



01

Broj: 05-34-3-1259-1/21
Sarajevo, 19.04.2021. godine

BOSNA I HERCEGOVINA
AGENCIJA ZA DRŽAVNU SLUŽBU

21-04-2021

Organizacija	Ime i prezime	Podpis	Stamp
01	34-2	914-13	✓

AGENCIJA ZA DRŽAVNU SLUŽBU BiH
- n/r direktoru -
Trg BiH 1, 71000 Sarajevo

PREDMET: odgovor na akt Agencije za državnu službu BiH broj: 01-34-2-914-12/21
od 16.03.2021. godine; *dostavlja se*

Poštovani,

Generalno tajništvo Vijeća ministara BiH, zaprimilo je akt Agencije za državnu službu BiH, broj i datum prednje navedeni, adresiran na Generalno tajništvo Vijeća ministara BiH i Ministarstvo pravde BiH, a naslovljen kao molba za davanje mišljenja.

Predmetnim aktom se od naslova traži mišljenje vezano za nedoumice Agencije za državnu službu BiH u svezi Zaključka Vijeća ministara BiH s 23. sjednice održane 29.12.2020. godine, a koji je donesen povodom razmatranja problematike znavljanja radnih mjesta u institucijama na razini BiH. Naime, Agencija konkretno navodi da je iz predmetnog Zaključka vijeća ministara BiH: „Očigledno da Agenciji nije naloženo da odbije suglasnosti za interni premještaj ako isti neće rezultirati aktiviranjem rezervne liste, niti da odbije suglasnost za raspisivanje javnog oglasa za zapošljavanje na određeno vrijeme bez konkursa, kao ni da odbije suglasnost za raspisivanje javnog oglasa za zapošljavanje na određeno vrijeme radi zamjene odsutnog državnog službenika“.

Također, Agencija u predmetnom aktu navodi da je Vijeće ministara BiH prije nekoliko godina donijelo zaključak sukladno kojem institucije nisu dužne tražiti suglasnost za sva zapošljavanja na određeno vrijeme, kao i za zapošljavanje pripravnika, pritom navodeći da predmetni zaključak nije nikada stavljen van snage niti je derogiran.

Slijedom navedenog, Agencija od naslova traži potvrdu pravilnosti stavova Agencije kao i potvrdu da institucijama nije potrebna suglasnost Vijeća ministara za interne premještaje (koji neće rezultirati primjenom rezervne liste), zapošljavanje na određeno vrijeme i raspisivanje javnog oglasa za prijem pripravnika, vodeći računa o ne samo o sadašnjim nego i ranijim zaključcima Vijeća ministara.

Generalno tajništvo ovim putem podsjeća da su nadležnosti, organizacija, način rada, rukovođenje i druga pitanja od značaja za rad Generalnog tajništva utvrđena Odlukom o Generalnom tajništvu („Službeni glasnik BiH“, broj 41/03). Sukladno odredbama navedene Odluke, Generalno tajništvo obavlja naročito poslove koji se

odnose na: pripremu sjednica i sastanaka, vođenje zapisnika, vođenje evidencije, informiranje javnosti, praćenje provedbe odluka Vijeća ministara, protokol, obavlja materijalno-financijske, administrativne i tehničke poslove za Vijeće ministara u izvršavanju njegovih zadataka, stara se o objavljivanju odluka Vijeća ministara u službenim glasilima, te vrši i druge poslove koje mu odlukom dodijeli Vijeće ministara.

Obzirom na prednje navedene nadležnosti, Generalno tajništvo Vijeća ministara BiH nije ovlašteno davati mišljenja niti tumačenja odluka i zaključaka Vijeća ministara BiH, te u tom kontekstu ne možemo udovoljiti zahtjevu iz predmeta.

Međutim, u odnosu na zahtjev iz Akta temeljem činjenica navedenih u predmetnom aktu Agencije, Generalno tajništvo podsjeća da je Vijeće ministara BiH na 22. sjednici od 16.12.2020. godine u okviru točke 46. donijelo zaključak vezan za problematiku znavljanja radnih mjesta u institucijama BiH, broj: 05-34-3-3287-A od 16.12.2020., a na 23. sjednici Vijeća ministara BiH od 29.12.2020. godine, po prijedlogu predsjedatelja Vijeća ministara BiH, radi određenih uočenih slabosti, isti je stavljen van snage zaključkom s 23. sjednice Vijeća ministara BiH, koji zaključak je predmet upita Agencije za državnu službu BiH.

Sukladno prednje navedenom, Generalno tajništvo Vijeća ministara BiH je subjektivnog stava, a uvažavajući činjenicu da je zaključak iz upita donesen temeljem korekcija ranije donesenog zaključka Vijeća ministara BiH od 16.12.2020., te da su u istom taksativno zadužene institucije na konkretna postupanja prilikom popunjavanja radnih mjesta, opisani konkretni slučajevi u kojima je potrebno tražiti suglasnost Vijeća ministara BiH, te su dani jasni nalozi i upozorenja institucijama, smatramo da je zaključak kao takav potpuno jasan, nedvosmislen i provodiv.

Za eventualno bilo kakve dodatne korekcije navedenog Zaključka, potrebno je da svoj stav zauzme donositelj zaključka, u konkretnom slučaju Vijeće ministara BiH, o čemu smo i izvijestili informativno članove Vijeća ministara BiH dostavljajući vaš akt na upoznavanje.

S poštovanjem,


GENERALNI TAJNIK
VIJEĆA MINISTARA BIH
mr. Robert Vidović


Dostavljeno:

- Naslovu,
- Uredu predsjedatelja Vijeća ministara BiH
- Uredi zamjenika predsjedatelja Vijeća ministara BiH
- a/a.



Broj: 09-02-4-2512/21
Sarajevo, 22.4.2021. godine

BOSNA I HERCEGOVINA
AGENCIJA ZA DRŽAVNU SLUŽBU
Trg BiH broj 1
71000 SARAJEVO



PREDMET: Mišljenje, dostavlja se -

Veza: vaš akt broj: 01-34-2-914-12/20 od 16.3.2021. godine

Povodom vašeg akta, broj i datum prednji, a postupajući u okviru zakonom utvrđenih mjerodavnosti, Ministarstvo pravde Bosne i Hercegovine daje slijedeće

MIŠLJENJE

Ministarstvo pravde Bosne i Hercegovine najprije ističe da je aktom broj: 09-02-4-1640/17 od 28.1.2021. godine, Vijeću ministara Bosne i Hercegovine skrenulo pozornost na predmetni zaključak sa 23. sjednice, u smislu da je izrazilo rezervu glede zakonitosti pribavljanja svih suglasnosti, osim suglasnosti za raspisivanje javnih natječaja (za prijam državnih službenika i uposlenika na neodređeno vrijeme).

Međutim, ukoliko ipak uzmemo u obzir da je sporni zaključak pravilan, odnosno u najmanju ruku da je obvezujući po institucije i Agenciju za državnu službu Bosne i Hercegovine (u daljnjem tekstu: Agencija), tada smatramo da bi se isti trebao primjenjivati onako kako glasi, odnosno na način da se njegovom primjenom nameću najmanja ograničenja institucijama i Agenciji.

Stoga, Ministarstvo pravde Bosne i Hercegovine smatra da za interne premještaje koji za posljedicu neće imati aktiviranje rezervne liste, kao i za sva zapošljavanja na određeno vrijeme, uključujući i javne natječaje za prijam vježbenika, nije potrebna suglasnost Vijeća ministara Bosne i Hercegovine, jer da jeste to bi u zaključku bilo izrijekom navedeno.

Također, kako su ranijim zaključkom Vijeća ministara Bosne i Hercegovine zapošljavanja na određeno vrijeme i prijam vježbenika (i volontera) bila izrijekom izuzeta od režima suglasnosti, i ne samo da taj zaključak nije stavljen van snage, nego isti može i treba služiti kao smjernica pri tumačenju sadašnjeg, predmetnog zaključka.

Shodno rečenom, mišljenja smo kako za interne premještaje, zapošljavanja na određeno vrijeme po natječaju ili bez njega, te za prijam vježbenika i volontera, institucije nisu dužne tražiti suglasnost Vijeća ministara Bosne i Hercegovine, naravno uz uvjet da su za zapošljavanja u proračunu institucije osigurana potrebna finansijska sredstva.

S poštovanjem,

DOSTAVLJENO:

- Naslovu,
- a/a.



MINISTAR
Josip Grubeša